



ՀԱՍՏԱՏՈՒՄ ԵՄ՝  
Շրջակա միջավայրի նախարար  
Հակոբ Սիմիդյան



2022թ.

## ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ  
ՓՈՐՁԱՔՆՆՈՒԹՅԱՆ

ԲՓ № 0197-22

Ձեռնարկողը՝

«Գլոմմա» ԱԿ

**Գործունեությունը՝** Երևանի Արաբկիր վարչական շրջանի Մ. Գալշոյանի անվան 148  
ավագ դպրոցի կառուցման շրջակա միջավայրի վրա  
աղդեցության նախնական գնահատման հայտ  
ք.Երևան, Արաբկիր վարչական շրջան

«Շրջակա միջավայրի վրա ազդեցության  
փորձաքննական կենտրոն» ՊՈԱԿ-ի  
տնօրենի պարտականությունները կատարող՝



Խաչիկ Մարտիրոսյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ  
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 0197-22

«10» 12 2022թ

**Երևանի Արաբկիր վարչական շրջանի Մ. Գալշոյանի անվան 148 ավագ  
դպրոցի կառուցման շրջակա միջավայրի վրա ազդեցության նախնական  
գնահատման հայտ**

|                   |                                                             |
|-------------------|-------------------------------------------------------------|
| Ձեռնարկող՝        | «ԳԼՈՄՄԱ» ԱԿ                                                 |
| Փաստաթղթի տեսակը՝ | Շրջակա միջավայրի վրա ազդեցության նախնական<br>գնահատման հայտ |
| Գործունեությունը՝ | «Գ» կատեգորիա                                               |
| Տեղադրման վայրը՝  | ք. Երևան, Արաբկիր վարչական շրջան                            |

**Ներածական մաս.** Երևանի Մ. Գալշոյանի անվան ավագ դպրոցի կառուցումն իրականացվելու է դպրոցների սեյսմիկ անվտանգության բարելավման (ՍԱԲ) ծրագրի շրջանակում Ասիական Զարգացման Բանկի (ԱԶԲ) աջակցությամբ:

Ծրագիրը համահունչ է ՀՀ կառավարության «Աղետների ռիսկերի նվազեցման ազգային ռազմավարության» նպատակներին և ուղղված է երկրի սեյսմակայունության ապահովմանն, անհատական և հասարակական անվտանգության մակարդակի բարձրացմանը:

Համաձայն «Շրջակա միջավայրի վրա ազդեցության գնահատման և փորձաքննության մասին» օրենքի /այսուհետ՝ Օրենք/ հոդված 14-ի, 6-րդ մասի, 7)-րդ կետի, 1500 ք.մ և բարձր կառուցապատման մակերես ունեցող քաղաքաշինության ոլորտի կառույցներն ըստ շրջակա միջավայրի վրա ազդեցության դասվում են «Գ» կատեգորիա և պահանջում են շրջակա միջավայրի նախարարության կողմից գործունեության նախագծային և շրջակա միջավայրի վրա ազդեցության նախնական գնահատման հայտ փաստաթղթերի բնապահպանական պետական փորձաքննության իրականացում:

Նախագծվող Մ. Գալշոյանի անվան 148 դպրոցի կառույցների կառուցապատման մակերեսը կազմում է 3725ք.մ (ներառյալ՝ դպ.-ի կաթսայատունը), ուստի նախատեսվող գործունեությունը պահանջում է շրջակա միջավայրի վրա ազդեցությունների նախնական գնահատման հայտի (ՆԳՀ) պատրաստում, ներկայացում բնապահպանական պետական փորձաքննության և փորձագիտական եզրակացության ձեռք բերում:

Դպրոցի նախագծման աշխատանքների համար հիմք են հանդիսացել ՀՏՀՀ-ի կողմից մշակված տեխնիկական առաջադրանքը, Երևանի քաղաքապետարանի կողմից տրամադրած (27.06.2022թ.) թիվ 01/18-07/2-12605-523 նախագծման թույլտվությունը/ճարտարապետահատակագծային առաջադրանքը, ՀՀ-ում գործող շինարարական նորմերը, կառուցապատողի կողմից ներկայացված տեխնիկական





առաջադրանքը, տեղամասում իրականացված ինժեներակրթաբանական ուսումնասիրությունները:

**Նկարագրական մաս.** 148 ավագ դպրոցը նախատեսվում է կառուցել Երևանի Արաբկիր վարչական շրջանի Սունդուկյան փողոց 78 հասցեում գործող թիվ 148 ավագ դպրոցի տարածքում, իսկ գործող համանուն դպրոցը նախատեսվում է ապամոնտաժել:

Գոյություն ունեցող դպրոցի շենքի քանդման աշխատանքներն իրականացվելու են ՀՀ կառավարության N 87-Ա (06.02.2019) որոշման համաձայն, շենքի քանդման աշխատանքները կիրականացվեն ապամոնտաժման եղանակով:

Տարածքը ներկայումս յուրացված և կառուցապատված է և չի օգտագործվել արդյունաբերական նպատակով:

Գետմորֆոլոգիական տեսակետից բնութագրվող տարածքը գտնվում է Շահումյանի հարթակի վրա, տեղամասում տարածված են հրաբխային ապարները, ծածկված՝ պրոլյուվիալ, էյուվիալ, դելյուվիալ նստվածքներով, տարածքը հանդիսանում է արարատյան ակունքատիվ գոգավորության հյուսիսային վերջավորության մի հատված, որտեղ ռելիեֆի բացարձակ նիշերը տատանվում են 957-963 մ սահմաններում:

Բնութագրվող տարածքում չկան մակերևութային ջրային ավազաններ կամ առուներ, գրունտային ջրերը տարածված չեն մինչև 30 մ խորություն:

Ֆիզիկակրթաբանական տեսակետից նախագծվող տարածքում բացակայում են շինարարության և կառուցվածքների վրա ազդող բնական երևույթները (սողանքներ, կարստ, փուլումներ և այլն):

Բնութագրվող տեղամասը տարածքի յուրացված հատվածներում ներկայացված է ասֆալտե ծածկույթի տեսքով, իսկ մնացած հատվածները զբաղեցնում են կանաչապատ հատվածները, համաձայն երկրաբանական ուսումնասիրությունների, բացակայում է հողաբուսական շերտը:

Տարածքը գտնվում է արդեն իսկ յուրացված և զարգացած քաղաքային միջավայրում, ուստի տեղանքում չկան որևէ էնդեմիկ կամ Կարմիր գրքում գրանցված բուսատեսակներ և կենդանական տեսակներ, բացակայում են տարածքով անցնող միգրացիոն ուղիները:

Դպրոցի տեղամասի տեղազննության ընթացքում հուշարձաններ չեն հայտնաբերվել, տարածքում հնագիտական շերտերի առկայությունը բացառվում է, հաշվի առվելով այն, որ տարածքը նախկինում եղել է կառուցապատված:

Նախագծվող դպրոցի հողատարածքի ընդհանուր մակերեսը կազմում է 1.20697 հա: Ներկայացվող գործունեության ընթացքում դպրոցի շենքի կառուցապատման մակերեսը (ներառյալ՝ կաթսայատունը) կկազմի 3725 ք.մ, բարեկարգման և կանաչապատ գոտիների բարեկարգման աշխատանքների շրջանակը կներառի 3930 ք.մ տարածք, մասնավորապես, կբարեկարգվի (ասֆալտապատում և սալարկում) 1730 ք.մ տարածք և կստեղծվի 2200 ք.մ մակերեսով կանաչ գոտի:

Դպրոցի տարածքում աճում են տարբեր տարիքի ծառատեսակներ:

Բարեկարգման աշխատանքների շրջանակում դպրոցի տարածքում կիրականացվի 380 ք.մ մակերեսով սալվածքներ և 1350 ք.մ մակերեսով ասֆալտապատ գոտի:

Դպրոցը նախատեսվում է 1-ից 9 զուգահեռ երկու դասարաններով և 436 աշակերտների համար: Համալիրը բաղկացած է լինելու 8 մասնաշենքերից («Ա»-ից «Ի»), որոնք իրար հետ կապվելու են դեֆորմացիոն կարերով և անջատված կլինեն ներքին տարածքներով:

Հատակագծային լուծումներում հաշվի են առնվելու դպրոցի տարրական և միջին դպրոցների երկհարկանի մասնաշենքերը, սպորտային և բազմաֆունկցիոնալ դահլիճները, աղմինիստրատիվ մասնաշենքեր, նոր կաթսայատուն, բացօթյա մարզահրապարակ և խաղահրապարակ:





Ելնելով դպրոցի ֆունկցիոնալ կառուցվածքից՝ հիմնական բոլոր մասնաշենքերում կնախատեսվեն առանձին մուտքեր, որոնք կապահովեն տարբեր տարիքային խմբերի անխափան հոսքերը: Մուտքերի տեղադիրքերի ընտրությունն իրականացվելու է նաև այնպես, որ դպրոցի համալիրն ամեն ուղղությամբ ունենա առնվազն 2 էվակուացիոն ելքեր: Նախագծվող դպրոցի հիմնական մուտքը նախատեսվում է Ավետիսյան փողոցի կողմից: Նախագծվող դպրոցի «B» և «G» մասնաշենքերը ծառայելու են միջին և տարրական դպրոցների համար և նախագծվում են որպես երկհարկանի կառույցներ: «G» մասնաշենքում են նախագծված տարրական դպրոցի դասասենյակները, վարչական սենյակները և ուսուցչանոցը: «B» մասնաշենքում նախագծվել են միջին դպրոցի դասասենյակները, լաբորատոր սենյակները, ինֆորմատիկայի և օտար լեզվի դասասենյակները, դպրոցի գրադարանը: «B» և «G» մասնաշենքերում նախագծվել են նաև սանհանգույցներ և այլ վարչական սենյակներ:

«B» և «G» մասնաշենքերի տանիքը նախատեսվում է կառուցել լանջավոր, իսկ ծածկույթի համար կօգտագործվի պրոֆիլավորված գործարանային ներկված ցինկապատ թիթեղներ: Մասնաշենքերի տանիքը կունենա կազմակերպված արտաքին ջրահեռացում:

Դպրոցի մնացած 6 մասնաշենքերը՝ «A», «C», «D», «E», «F» և «H», նախագծվում են որպես միահարկ կառույցներ: «A» մասնաշենքում նախատեսվում է դպրոցի ճաշարանը, տնօրենի և տնօրենի տեղակալի սենյակները, հաշվապահի և ատամնաբուժական սենյակները: Դպրոցի ճաշարանին կից գործող օժանդակ սենյակները (սպասքի լվացման, սառը և տաք կերակուրների պատրաստման արտադրամասը), տեխնիկական անձնակազմի և մարզիչի սենյակները նախատեսվում են «E» մասնաշենքում, ինչպես նաև այստեղ կլինեն հանդերձարանները և ցնցուղարանները, հավաքարարի սենյակը: «E» մասնաշենքում նախագծվել են տեխնիկական սենյակները, ներառյալ՝ դպրոցի պահեստը, հավաքարարի սենյակները, մարզիչի սենյակը:

«A», «C», «D», «E», «F» և «H» մասնաշենքերի տանիքը նախագծվում է հարթ՝ կազմակերպված արտաքին ջրահեռացմամբ:

Էներգոխնայողության և էներգոարդյունավետության տեխնիկական լուծումները նախագծվել են համաձայն ՀՀ կառավարության 12.04.2018թ. N426-Ն որոշման դրույթների:

Կոնստրուկտիվ լուծումների տեսանկյունից, բոլոր մասնաշենքերը նախագծվում են միաձույլ ե/բ կրող կոնստրուկցիաներով, ներառյալ՝ դպրոցի հիմքերը, սյուները, հեծանները և միջհարկային սալերը: Արտաքին պատերում նույնպես օգտագործվելու են ե/բ կոնստրուկտիվ լուծումներ: Դպրոցում նախատեսվում են այլումինե արտաքին դռներ, վիտրաժներ և պատուհաններ, իսկ ներքին դռները կլինեն ՄԴՖ տեսակի: Ներքին հարդարման աշխատանքները կիրականացվեն բարձրորակ և էկոլոգիապես մաքուր նյութերից:

Նախագծման լուծումներում մեծ ուշադրություն են դարձված հաշմանդամություն ունեցող և սակավաշարժ խմբերի տեղաշարժն ապահովող և այլ հարմարեցված լուծումներին՝ դպրոցի միջին և տարրական մասնաշենքերում («B» և «G») հաշմանդամություն ունեցող երեխաների և այլ սակավաշարժ խմբերի համար նախագծվում են վերելակներ, թեքահարթակներ՝ արտաքին մուտքերում, ինչպես նաև հաշմանդամ երեխաների համար հարմարեցված սանհանգույցներ:

Բարեկարգման աշխատանքների շրջանակում դպրոցի տարածքում նախատեսվում է ասֆալտե ծածկույթով խաղահրապարակ, անցուղիներ, ճանապարհներ և հարթակներ: Մասնաշենքերի պարագծով նախատեսվում է նոր սալվածքի իրականացում՝ բրեկչա տիպի ծածկով, դպրոցի ողջ վարչական սահմանով նախատեսվում է նոր ցանկապատի՝ ներկված մետաղական տուփածև խողովակներից տեղադրում: Դպրոցին կից նախատեսվում է կառուցել 20.7բ.մ. մակերեսով կաթսայատուն: Նախագծում հաշվի են առնվում նաև ներքին





էլեկտրամատակարարման, արտաքին և ներքին ջրամատակարարման, կոյուղու, գազամատակարարման ցանցերի և օդափոխությանն համակարգերի ինժեներական լուծումներ:

Շինարարական աշխատանքների ընթացքում նախատեսվում է՝

- փորվող գրունտ՝ 7844 խ.մ,
- հետլիցք՝ 8374 խ.մ,
- լրացուցիչ բերվող գրունտ՝ 520 խ.մ:

8374 խ.մ ծավալով հանույթը ժամանակավոր կկուտակվի հրապարակում նախապես հատկացրված տեղերում և հետագայում կօգտագործվի հետլիցքի նպատակով:

Դպրոցի ջրամատակարարման և ջրահեռացման գործընթացները կազմակերպվելու են գործող շինարարական նորմերի ու կանոնների (ՇՆԿ) և «Վեոլիա Ջուր» ՓԲԸ-ի կողմից տրված տեխնիկական պայմանների համաձայն:

Գազամատակարարման և էլեկտրոսնուցման արտաքին ցանցերի իրականակառուցումը (միացումները) կատարվելու են անմիջապես «Գազպրոմ Արմենիա» ՓԲԸ-ի և «ՀԷՑ» ՓԲԸ-ի կողմից:

Դպրոցի տաք և սառը ջրամատակարարման հաշվարկային ելքերն որոշվել են հաշվի առնելով դպրոցի տեխնոլոգիական պահանջները և սպասարկվող մարդկանց քանակը:

Կոյուղու ներքին ցանցը նախատեսվում է իրականացնել ինքնահոս, անձրևաջրերի հեռացումը տարածքից նախատեսվում է իրականացնել ասֆալտապատ ուղիներով ինքնահոս եղանակով՝ նիշերի տարբերությամբ պայմանավորված, դեպի դպրոցի կանչապատ գոտիներ, նախատեսվում է նաև հակահրդեհային հիդրանտի տեղադրում և հակահրդեհային հիդրանտի միացման կետում դիտահորի կառուցում:

Ջեռուցման գործընթացը նախատեսվում է կազմակերպել նորակառույց կաթսայատան միջոցով: Կաթսայատան շահագործումը կիրականացվի ջրային երկու կաթսաների միջոցով: Դպրոցի օդափոխության համակարգը նախատեսվում է ՀՀ գործող նորմերին համապատասխան: Դպրոցում նախատեսված են ընդհանուր օդափոխության ներածման և արտածման հարկադրական համակարգեր:


Կանաչապատ գոտիների բարեկարգման աշխատանքների շրջանակում կստեղծվեն 2200.0 ք.մ մակերեսով կանաչ գոտի, նախատեսվում է արժեքավոր և տեղանքի բնակլիմայական առանձնահատկություններին համապատասխանող ծառերի (115 հատ) տնկում, մասնավորապես.

- արևելյան թույա 29 հատ
- ակացիա 22 հատ
- հացենի 29 հատ
- հուդրայա ծառ 16 հատ
- սոսի 9 հատ
- թխկի կարմրատերև 10 հատ

Կանաչապատ մակերեսում կիրականացվի նաև սիզամարգեր, կանաչապատ գոտիների ոռոգումը կիրականացվի նոր ոռոգման ներքին ցանցի միջոցով, որը կմիացվի քաղաքային ոռոգման համակարգին:

Շրջակա միջավայրի վրա հնարավոր ազդեցությունը և վնասակար ազդեցության բացառմանը, նվազեցմանն ու փոխհատուցմանն ուղղված բնապահպանական միջոցառումների ծրագիր, այդ թվում՝

Շինարարությունն ընթացքում հիմնականում կանխատեսվում են անօրգանական փոշու ժամանակավոր արտանետումներ՝ հողային աշխատանքների, հորատման, **բեռնման**, թափոնակույտման աշխատանքների իրականացնելիս:





Շինարարության ընթացքում վերը նշված արտանետումները կլինեն տեղայնացված և չեն դիսպերսվի դպրոցի սահմաններից դուրս՝ հաշվի առնելով մասնիկների մեծ չափերը և դրանց արագ գրավիմետրիկ նստելու հատկությունը: Նշված արտանետումները չեն գերազանցի թույլատրված նորմերը, իսկ մթնոլորտային ավազանում դրանց հնարավոր տարածումը և շրջակա միջավայրի վրա վնասակար ազդեցությունները կկանխարգելվեն և/կամ կնվազեցվեն:

բնապահպանական միջոցառումների իրականացմամբ, որոնցից են՝

- շինարարական հրապարակում աշխատանքային մակերեսների ջրցանման և փոշենստեցման գործողությունների իրականացում,
- շինարարական մեքենաների երթևեկության կկազմակերպում համապատասխան չափաքանակներով և ծածկող պաստառների առկայությամբ, սահմանափակ արագությամբ (չի գերազանցի 30կմ/ժ արագությունը),
- սորուն նյութերի (ավազ, խիճ, հողային հանույթ և այլն) շինարարական հրապարակում պահում պաստառներով ծածկված վիճակում,
- աշխատանքների ընթացքում մեքենա-սարքավորումների տեխնիկական վիճակը պատշաճ մակարդակով վերահսկում:

Նախատեսված է նաև օդային ավազանի պաշտպանությանն ուղղված միջոցառումներ, որոնք ներկայացված և նկարագրված են հայտի մեղմացնող միջոցառումների պլանում, նախատեսվում է նաև հարակից բնակելի և հասարակական շենքերից ստացված բողբոջների դեպքում օդի աղտոտվածության գործիքային չափագրումների իրականացում:

Շինարարական աշխատանքների ընթացքում ջուրը հիմնականում կօգտագործվի շինհրապարակի ջրցանման, մաքրման և որոշ շինաշխատանքների կազմակերպման, ինչպես աշխատակազմի խմելու և կենցաղային կարիքները հոգալու համար:

Դպրոցի մասնաշենքերի ապամոնտաժման և նոր շենքի կառուցման աշխատանքների ընթացքում առաջացած հնարավոր փոշու մակարդակները կնվազեցվեն ջրցանի իրականացմամբ:

Շինարարական աշխատանքներում և բանավորական կազմի խմելու-կենցաղային նպատակների համար անհրաժեշտ ջուրը կվերցրվի դպրոցի տարածքին կից փողոցով անցնող համայնքային ջրագծից՝ համաձայն տեխնիկական պայմանի:

Շինարարական աշխատանքների ընթացքում, մասնավորապես՝ դպրոցի մասնաշենքերի ապամոնտաժումից և տարածքի բարեկարգման աշխատանքներից հնարավոր են թափոնների առաջացում, որոնց համար նախատեսվում են մի շարք միջոցառումներ, որոնց կառավարումը կիրականացվի ՀՀ կառավարության N 30 արձանագրային որոշման համաձայն, կտեղափոխվի և կթափոնակույտվի աղբավայրում, նախատեսվում են նաև մի շարք միջոցառումներ, որոնցի են՝ «շինարարության փայտանյութի թափոնները», որոնք գնահատվում են որպես երկրորդային օգտագործման համար պիտանի վերջիններս կվերամշակվեն և կօգտագործվեն որպես երկրորդային հումք կապալառուի կողմից այլ շին աշխատանքներում, այլ նյութերը (հիմնականում մետաղի ջարդոններ, փայտանյութ, դռներ, պատուհաններ, խողովակներ) կտեսակավորվեն և նույնպես կօգտագործվեն որպես երկրորդային հումք:

Քսայուղերի և հեղուկ վառելիքի թափոնների առաջացում գործունեության ընթացքում չի կանխատեսվում: Շինաշխատանքների ավարտից հետո նշված նյութերի մնացորդները կհավաքվեն և կրկին կօգտագործվեն կապալառուի կողմից:

Գործունեության ընթացքում կենցաղային աղբի մնացորդները հավաքելու նպատակով կտեղադրվեն աղբի տարաներ, որտեղից աղբը կանոնավոր կերպով կհեռացվի համայնքի աղբամաններ:





• Ներկայացվող գործունեության ընթացքում ուղղակի ազդեցություններ տարածքում առկա բուսահողի վրա չի գնահատվում, քանի որ նախագծվող դպրոցը կկառուցվի տարածքի արդեն իսկ հին դպրոցի շենքով յուրացված հատվածում, որտեղ բացակայում է բուսահողը:

Ներկայացվող գործունեության ընթացքում ազդեցության ենթարկվող ծառերի թիվը գնահատվում է 49, մասնավորապես, թվով 12 ծառեր կտեղափոխվեն և կվերատնկվեն դպրոցի տարածքում, իսկ 37 ծառեր է նախատեսվում հատել, հաշվի առնելով նաև որոշ ծառերի կենսունակությունը և սանիտարական վիճակը: Դպրոցի տարածքի կանաչապատման աշխատանքների ընթացքում նախատեսվում է թվով 180 հատ արժեքավոր ծառերի տնկում: Կանաչապատման աշխատանքները կիրականացվեն տարածքի գոյություն ունեցող կանաչ հատվածներում, որտեղ առկա է բնահող և լրացուցիչ բնահողի մատակարարում չի նախատեսվում ներկայացվող գործունեության ընթացքում:

Իրականացվելու է նախատեսվող գործունեությունից ակնկալվող ազդեցությունները և շրջակա միջավայրի պահպանությանն ուղղված հիմնական բնապահպանական, ինչպես նաև աշխատանքի և առողջության ապահովման միջոցառումները, որոնցից են՝

- շինարարական հրապարակի ժամանակավոր ցանկապատում,
  - շինարարական աղբի կանանոնավոր հեռացում թույլատրված աղբավայր, ինչպես նաև հրապարակում կենցաղային թափոնների համար նախատեսված աղբամանների տեղադրում,
  - շինարարական հրապարակի ջրցանում և փոշու արտանետումների մակարդակների կառավարում ՀՀ թույլատրելի նորմերին համապատասխան,
  - շինարարական մեքենաների տեղաշարժի իրականացում սահմանափակ 30 կմ/ժ չգերազանցող արագությամբ, իսկ բեռնատարերի դեպքում՝ թափքի ծածկի առկայությամբ,
  - աղմուկ առաջացնող աշխատանքներն իրականացում թույլատրելի մակարդակների սահմանում և ցերեկային ժամերին,
  - մեքենաների անիվների լվացման և մաքրման միջոցառումներ իրականացում (կոպիճե մակերեսներ)՝ հրապարակից ցեխի և փոշու տարածումը կանխելու նպատակով,
  - շինարարական նյութերի ձեռք բերում լիցենզավորված մատակարարներից, ներառյալ՝ բետոնաշաղախը՝ մոտոկա հանգույցներից,
  - վառելիքի և նավթանման նյութերի պահում բետոնե, ավազե հիմքերի կամ մետաղական անթափանց տակդիրների վրա,
  - մեքենա-սարքավորումների տեխնիկական սպասարկման իրականացում մասնագիտացված կենտրոններում,
  - ենթածրագրի ողջ ընթացքում բողոքների արձագանքման մեխանիզմի ներդրում,
  - արտակարգ իրավիճակների կանխարգելման միջոցառումները, և այլն:
- Իրականացվող հիմնական բնապահպանական միջոցառումների գումարային ուղիղ արժեքը (առանց հարկերի) գնահատվում է 146.66 հազ ՀՀ դրամ:

Շինարարական աշխատանքների իրականացման ընթացքում նախատեսվում է իրականացնել շրջակա միջավայրի վրա բացասական ազդեցության կանխարգելման/մեղմացմանն ուղղված մշտադիտարկումները, որոնք ներառված և նկարագրված են հայտում:

**Պարզառաքանական եզրահանգումներ և հիմնավորում.** Օրենքի 26-րդ հոդվածի և ՀՀ կառավարության 2014 թվականի նոյեմբերի 19-ի «Հարային ծանուցման և քննարկումների իրականացման կարգը սահմանելու մասին» N1325-Ն որոշման հավելվածի համաձայն Երևանի Արաբկիր վարչական շրջանում՝ «Գլոմմա» ԱԿ կողմից ներակացված 148 ավագ դպրոցի կառուցման շրջակա միջավայրի վրա ազդեցության նախնական գնահատման հայտի վերաբերյալ, տեղի են ունեցել հանրային քննարկումներ:





• Սույն թվականի դեկտեմբերի 6-ին տեղի ունեցած 2-րդ հանրային քննարկման ընթացքում՝ նախատեսվող գործունեության նախագծի վերաբերյալ իրենց անհանգստությունը և դժգոհությունը հայտնեցին Երևանի քաղաքապետարանի աշխատակազմի բնապահպանության վարչության աշխատակիցները, Արաբկիր վարչական շրջանի ղեկավարի տեղակալը, դպրոցի տնօրենը և մանկավարժական կազմը՝ բարձրացնելով մի շարք հարցեր, որոնք վերաբերվում են ներկայացված նախագծի թերություններին՝ մասնավորապես. վերակառուցման արդյունքում աշակերտների թվի կրճատմանը, դասասենյակների քանակի պակասի և դրանց ոչ ճիշտ լուսավորությանը, կանաչ տրածքների կրճատման, ապաստարանի, նկուղի, և հրաձգարանի համար համապատասխան լուծումներ չլինելուն և այլն:

Համաձայն հայտի դպրոցի տարածքում հատվելու են 37 հատ ծառ, իսկ քննարկումների ընթացքում Երևանի քաղաքապետարանի աշխատակազմի բնապահպանության վարչության աշխատակիցները փաստեցին, որ իրականում կառուցապատման ժամանակ հատվելու են մեծ քանակությամբ ծառեր, ինչն անընդունելի է բնապահպանության վաչության կողմից:

### ԵԶՐԱՓԱԿԻՉ ՄԱՍ

Հիմք ընդունելով վերը նշված եզրահանգումները և հիմնավորումները «ԳԼՈՄՄԱ» ԱԿ-ի կողմից ներկայացված Երևանի Արաբկիր վարչական շրջանի Մ. Գալշոյանի անվան 148 ավագ դպրոցի կառուցման շրջակա միջավայրի վրա ազդեցության նախնական գնահատման հայտի վերաբերյալ տրվում է բացասական եզրակացություն:

«Շրջակա միջավայրի վրա ազդեցության  
փորձաքննական կենտրոն»  
ՊՈԱԿ-ի առաջատար մասնագետ՝



Նելլի Նասիբյան